

Dragi čitaoci,

Pred vama se nalazi prvi broj „Zbornika radova” Fakulteta poslovne informatike Otvorenog Univerziteta „Apeiron“ Travnik, časopisa za teoriju i praksu iz oblasti poslovne informatike i informaciono-komunikacionih tehnologija. Zbornik je naš pokušaj da svima onima koji prate ili ih interesuje ova dinamična oblast pružimo mogućnost da saznaju šta ima novo u toj oblasti, šta to rade i čime se bave naši stručnjaci i naučnici iz ove oblasti i da pruži priliku svima da o tome pišu i daju svoje priloge. Njegovim objavljivanjem imamo namjeru da studentima, postdiplomantima, asistentima i nastavnicima našeg univerziteta i svim zainteresiranim približimo naučna i stručna dostignuća iz oblasti informatike, računarstva i općenito informaciono-komunikacionih tehnologija i njihovu primjenu u različitim oblastima ljudskog života i rada i da ujedno predstavimo i Fakultet našoj javnosti. Zbornik se uređuje prema kriterijumima za kategorizaciju naučno-stručnih časopisa i u skladu je sa budućim pravilnikom o izdavačkoj djelatnosti našeg Univerziteta. Naučni radovi se recenziraju i kao takvi će biti i referencirani.

Sadržaj ovog, prvog broja Zbornika su slijedeći članci: „**E-Uprava-Elektronsko poslovanje javnog sektora u Bosni i Hercegovini**”, kojim je prezentiran koncept e-Governmenta koji daje prikaz postojećeg stanja i mogućnosti u javnom sektoru u BiH da postane dostupniji građanima i privrednim subjektima, i da budu odgovorniji, transparentniji i efikasniji. Članak **“Digitalni vez, nova metoda**

vizuelnog predstavljanja podataka”, koji nas upoznaje sa novim metodama predstavljanja podataka;

„**Performantnosti IT outsourcinga**” koji prikazuje kako organizacije nastoje postići uštede upotrebom IT outsourcinga kao načina učvršćenja i racionalizacije IT infrastrukture da smanje ulaganja u informatiku i poboljšaju rezultate svoje bilance, a da se istovremeno usredotoče i na svoju temeljnu djelatnost.; „**Moguće ekonomske i monetarne posljedice elektronskog novca**”, koji prikazuje koji su to pozitivni i negativni aspekti primjene elektronskog novca.; „**Specifičnosti uslužnog internet marketinga**”, u kome je pokušano da se barem u segmentu ukupnog poslovanja istraži korištenje i mogućnosti razvoja Internet marketinga.; „**Studijski programi fakulteta informacionih tehnologija**”, koji definiše plan i program rada sa studentima koji će biti usklađen sa preporukama vodećih autoriteta u svetu iz oblasti visokog obrazovanja i iz oblasti računarstva.; „**Analiza stavova o postojanju informacionih tehnologija u školama Srednjobosanskog kantona**”, koji nam prikazuje zastupljenost i upotrebu IT u školama SBK.; „**Analiza stavova nastavnika i roditelja o uvođenju elektronskog dnevnika u osnovne i srednje škole**”, koji izlaže rezultate istraživanja stavova roditelja i nastavnika o ideji uvođenja elektronskog dnevnika kao sastavnog dijela u svijetu općeprihvaćenog koncepta E-learninga.; „**Projektovanje informacionih sistema, modelovanje podataka i procesa - CASE ALATI – UML**”, kojim su prezentirani načini i metode projektovanja informacionih sistema uz upotrebu nekih od glavnih alata za projektovanje informacionih sistema.; „**Megasajt DirectGov-efikasno britansko rješenje za E-government**”, koji prikazuje kako je Velika Britanija efikasno primjenila koncept elektronske uprave.; „**SIFTABLES-Računari sa taktilnim korisničkim interfejsom**”, koji

prikazuje najnoviji eksperimentalni mikro računar u obliku kocke dimenzija 2 x 2 inča sa specifičnim korisničkim interfejsom.

Trudićemo se da prije objavljivanja časopis pogledamo sve prispjele radove i da objavimo najzanimljivije i najstručnije radove. Takođe nam možete predlagati teme i oblasti o kojima želite nešto više da saznate, jer mi smo tu zbog vas. Poseban prostor u časopisu rezerviran je za Pisma Uredniku, u kojem će se objavljivati najzanimljivija pisma, komentari i diskusije naših čitalaca i autora. Stoga pozivamo cijenjene autore i čitaoce da podijele s nama svoje ideje i sugestije. Vaše mišljenje nam je dragocjeno i dodatno će doprinijeti kvaliteti našeg časopisa.

Zbornik je registrovan kod Nacionalne i Univerzitetske biblioteke Bosne i Hercegovine pod brojem ISSN 1986-5694.

Časopis izlazi dva puta godišnje, a tokom cijele godine je otvoren za saradnju sa svim zainteresiranim iz Bosne i Hercegovine i iz inostranstva, te nam svoje radove možete slati i pisati elektronskim putem, na: zbornik\_fpi@out.edu.ba.

Srdačan pozdrav,

**Glavni i odgovorni urednik:**

***Prof. dr. Lazo Roljić,***

***dekan Fakulteta poslovne informatike Travnik***